



Uunga siunnersuut: Sanaartornermi neqerooruteqartitsisarneq pillugu Inatsisartut inatsisaata allanngortinneqarnissaa pillugu Inatsisartut inatsisaat nr. xx, xx. xxx 2020-meersoq. (Aningaasanut killigitassanik iluarsineq, atuuffinnik erseqqissaaneq, siumoortumik neqerooruteqartitsinani aamma isumaqatigiiffiusumik neqerooruteqartitsinani suliariumannittussarsiuussisarnissamik piumasaaqatit pillugit aalajangersakkat, siumoortumik nalunaaruteqartarnissamik atuutsilersineq kiisalu Neqerooruteqartitsisarnermut Maalaaruteqartarfik pillugu aalajangersakkanik atorunnaarsitsineq)
(Ineqarnermut Attaveqatigiinnermullu Naalakkersuisoq)
(Siullermeerlugu oqaluuserineqarnera)

Demokraatit sanaartornermi neqerooruteqartitsisarneq pillugu inatsisip allanngortinnissaanut siunnersuummi pitsaasut arlallit takusinnaavaat.

Siullermik nuannaarutigaarput, allannguuteqartitsinermi annertuumik isiginiarneqarmat, Nunatsinni piffinni arlaqartuni unammilleqatigiittoqangimmat. Imaappoq, neqerooruteqartartut toqqarsinnaallugu siusinaarlutik sanaartugassap pilersaarutaasup nalunaarutigereernissaa, taamaalillunilu suliariumannittussarsiuussaq eqaannerusumik ingerlanneqarnissaa angusarlugu. Taassumalu kingunerisariaqarjaa, suliariumannittussarsiuussinermi aningaasartuutitut ikilisaataanissaa.

Aapasaanik silatusaarnertut isigaarput, siunnersuummi aningaasat killissaat qaffanneqarmat qaqugukkut suliaqartinniakkat ilisimatereerlugit neqerooruteqartitsinermi 500.000-iniit 1.500.000 koruuninut inissinneqarmat imaasillugu, neqerooruteqartitsinerit eqaannerulerlutillu akikinnerulissasut. Taakku saniatigut iluarisimaarparput, qaqugukkut neqerooruteqartitsinissamut aningaasat killigat qaffanneqarmat 300.000-iniit 500.000 koruuninut. Iliuseq taanna aamma suliamut akikinnerulersitsillunilu eqaannerulersitsissaaq.

Naggataatigut paasivara, tusarniaanermi akissutit amerlanerpaartaat iluarisimaarinnittuusut, tamannalu iluarisimaarnarpoq.

Taamatut oqaaseqarluta siunnersuut isumaqatigaarput Sanaartornermullu ataatsimiititaliamut suliareqqitassanngorlugu innersuussutigalugu.